

P R E C E S

E T

CONIVRATIONS

CONTRA AEREAS

tempestates,

Omnibus sacerdotibus
vtilis & necessariæ.

Marci 14.

*Et exsurgens comminatus
est vento. Et cessavit ventus,
& facta est tranquillitas
magna.*

Typis Ducalis Monasterij
Campidonensis.

ANNO M. DC. LXVII.

Per Rudolphum Dreherr.



V
O
ai



tion
gen
Cre
Do
tum
tem

lij
per
om

I

[○]

VTILISSIMÆ

Orationes, & Benedi-
ctiones, contra tempesta-
tes, tonitrua, fulgura &
grandines.

IN Nomine Pa[✠]tris,
& Fi[✠]lij, & Spiritûs[✠]
sancti.

*Deinde cum verâ deu-
otione & contritione dicas Confessionem
generalem, Orationem Dominicam, &
Credo in Deum. Et quando in Oratione
Dominica oras: Sed libera nos à malo;
tunc suffla cum ore vnâ crucem contra
tempestatem, & postea dic:*

Benedictio Dei Pa[✠]tris, & Fi[✠]-
lij, & Spiritûs[✠] sancti transeat su-
per hanc tempestatem, & liberet nos
omnes Christi fideles, possessiones &

habitationes nostras ac fructus terræ nostræ, ab omni tonitruo & grandine, à fulgure & tempestate, à peccatis & à malo, Amen.

Et tunc dicatur Euangelium S. Ioannis. Et cum veneris ad ea verba: Et Verbum caro factum est. ubique, Crux signata est, rursus suffla crucem contra tempestatem.

℣. Dominus vobiscum.

℞. Et cum spiritu tuo.

℣. Initium sancti Euangelij secundum Ioannem.

℞. Gloria tibi Domine.

IN principio erat Verbum, & Verbum erat apud Deum, & Deus erat Verbum. Hoc erat in principio apud Deum. Omnia per ipsum facta sunt & sine ipso factum est nihil, quod factum est, in ipso vita erat, & vita erat lux hominū, & lux in tenebris lucet & tenebræ eam non comprehendunt. Fuit homo missus à Deo, cui no-

men

men erat Ioannes, hic venit in testi-
 monium, vt testimonium perhiberet
 de lumine, vt omnes crederent per il-
 lum, non erat ille lux, sed vt testimo-
 nium perhiberet de lumine. Erat lux
 vera, quæ illuminat omnem homi-
 nem venientem in hunc mundum.
 In mundo erat, & mundus per ipsum
 factus est, & mundus eum non co-
 gnouit. In propria venit, & sui eum
 non receperunt. Quotquot autem re-
 ceperunt eum, dedit eis potestatem fi-
 lios Dei fieri, his qui credunt in no-
 mine eius: qui non ex sanguinibus,
 neque ex voluntate carnis, neque ex
 voluntate viri, sed ex Deo nati sunt.
ET VERBUM CARO FACTUM
EST, & habitauit in nobis. Et vidi-
 mus gloriam eius, gloriam quasi vni-
 geniti à Patre, plenum gratiæ & veri-
 tatis. **R.** Deo gratias.

Per istos sermones, & sacros ser-
 mones sancti Euangelij, & per illud

Verbum: *Et Verbum* ✠ *Caro factum est,*
 indulgeat nobis Dominus noster
 I E S V S Christus vniuersa delicta
 nostra, & liberet nos omnes Christi
 fideles, omnes possessiones, & habita-
 tiones nostras, & fructus terræ nostræ
 ab omni tonitruo & grandine, à
 fulgure & tempestate, à peccatis &
 malo. Amen, Amen, Amen.

*Deinde faciendo crucem cum manu, &
 etiam stando contra tempestatem trin-*
vice dices.

Iesus Nazarenus ✠ Rex Iudæo-
 rum libera nos, omnes Christi fideles,
 possessiones & habitationes nostras, &
 fructus terræ nostræ ab omni tonitruo
 & grandine, à fulgure & tempestate,
 à peccatis & malo. Amen.

*Hic etiam manu & ore signans crucem
 contra tempestatem, dices:*

ECce Crucem ✠ Domini, fugite
 partes aduersæ, vicit Leo de tribu
 Iuda, radix Dauid, Alleluia, Alleluia,
 Deus

Deus noster, Agyos ✠ Otheos, Agyos
✠ Yschiros, Agyos ✠ Athanatos,
Eleifon Ymas, sancte ✠ Deus, fan-
cte ✠ fortis, sancte ✠ misericors &
immortalis miserere nobis, & libera
nos à peccatis & malo. Amen, Amen,
Amen. Eloy. Eloy. Eloy. Qua-
lis Pater, talis Filius, talis Spiritus
sanctus. Increatus Pater, increatus
Filius, increatus Spiritus sanctus. Im-
mensus Pater, immensus Filius, im-
mensus Spiritus sanctus. Omnipoten-
s Pater, omnipotens Filius, omni-
potens Spiritus sanctus. Deprecor te,
ut clementissimè digneris nos omnes
Christi fideles, possessiones, habitationes
nostras, ac fructus terræ nostræ li-
berare ab hac tempestate, ab omni to-
nitruo, fulgure, & grandine, à peccatis
& malo. Amen, Amen, Amen.

Nunc dimitte nos famulos tuos,
possessiones & habitationes nostras, ac
fructus terræ nostræ Domine in pace,

quia viderunt oculi mei salutare tuū,
quod parâsti ante faciem omnium
populorum, lumen ad reuelationem
gentium, & gloriam plebis tuæ Israël.
Gloria Patri, &c.

*In modum Crucis extende manus tuas
contra nubes, & dic Pater noster, Ave
Maria, Credo, & Orationem sequentem.*

O Domine Iesu Christe, qui cælū
& terram creâsti: Aquas Iorda-
nis benedixisti, in quibus baptizari
voluisti: manus in cruce extendisti: &
totum mundum redemisti: benedicere
✠ digneris hanc nubem, quam video
ante me positam, vt ibi nulla potestas
dæmonum in se ipso perueniens no-
cere possit, benedicat te Deus Pa✠ter,
benedicat te Deus Fi✠lius, benedicat
te Deus Spiritus ✠ sanctus: Diuidat te
Deus Pa✠ter, diuidat te Deus Fi✠lius,
diuidat te Deus Spiritus ✠ sanctus: an-
nihilet te Deus Pa✠ter, annihilat te
Deus Fi✠lius, annihilat te Deus Spi-
ritus

ritus ✠ sanctus. Amen. In Nomine
 Pa ✠ tris, & Fi ✠ lij, & Spiritus ✠
 sancti. Amen.


*Quando imminens nubes nociua siue
 grando, coniuratio ter dicenda, signan-
 do illas cum Cruce.*

O Nubes, & ô grando coniuro
 & præcipio tibi per DEVM
 Pa ✠ trem, per DEVM Fi ✠ lium,
 per DEVM Spiritum ✠ sanctum,
 qui sunt in substantia vnus Deus, per
 potentiam Patris, per sapientiam Fi-
 lij: & per amorem Spiritus sancti pro-
 cedentis ab vtroque: per sacram obe-
 dientiam IESV Christi: Per sacram
 humilitatem virginis MARIAE do-
 minæ nostræ: per virtutes Apostolo-
 rum: per passiones terribiles Marty-
 rum: per nouem choros Spirituum
 celestium: per fidelium & sacram vi-
 am Confessorum: per omnes mu-
 lieres, famulas & martyres Christi:
 per omnes animas beatas celi: per

sacram obumbrationem, quam fecit
 virtus Altissimi, B. Virgini Dominæ
 meæ: per imperiale verbum, quod fecit
 Christus ventis vt cessarent: per diui-
 sionem mirabilem maris rubri, quam
 fecit potentia Diuina populo Iudæo.
 Per omnia ista superscripta, coniuro
 & præcipio tibi ô nubes nociua, seu
 grando tempestatis, quòd in signo
 huius sacræ Cru⁺cis quam contra te
 facio, indiuisa repente recedas à no-
 bis, & ab hoc loco, sine læsione alicuius
 ius hominis, siue loci, siue nauis, siue
 iumenti & precoris, siue terræ & ædifi-
 ciorum, & delearis per aërem. Amen
Contra tonitrua & aëris tempestates
Oratio Trithemij Abbatis Spanheim
cùm videris nubes nigras, tempestatem
tonitrua, fulgura & grandinem
prænuñciantes, stans ex ad-
uerso ita coniurabis.

A Diuro vos grandines, venti &
 nubes, per Patrem, & Filium
 &

9
& Spiritum sanctum, Deum vnum,
verum & sanctum omnipotentem,
Per tres sanctissimos clauos qui ma-
nus & pedes Domini nostri Iesu Chri-
sti confixerunt, & per quatuor sanctos
Euangelistas, Matthæum, Lucam,
Marcum, & Ioannem, & per omnes
Sanctos, vt in aquas quantocius reso-
lutæ sine damno, & læsione alicuius
creaturæ in terram descendatis, In
Nomine Pa^{tr}is, & Fi^{li}i, &
Spiritus^s sancti. Amen.



SEQUITVR LITANIA
contra tempestates. Psal. 66

DEus misereatur nostri & bene-
dicat nobis; illuminet vultum
suum super nos & misereatur nostri.

Vt cognoscamus in terra viam
tuam; in omnibus gentibus salutare
tuum.

Confiteantur tibi populi Deus;
confiteantur tibi populi omnes.

Latentur & exultent gentes, quoniam iudicas populos in æquitate; & gentes in terra dirigis.

Confiteantur tibi populi Deus, confiteantur tibi populi omnes: terra dedit fructum suum.

Benedicat nos Deus, Deus noster benedicat nos Deus: & metuant eum omnes fines terræ.

Gloria Patri, &c.

PROPITIUS ESTO Domine, Parce nobis Domine.

PROPITIUS ESTO Domine, Exaudi nos Domine.

PROPITIUS ESTO Domine, Libera nos Domine

Ab indignatione furoris tui,
Ab omni malo,
A flagellis ultionis tuæ,
Ab insidijs dæmonum & malorum hominum,

Lib. nos Dñe.

A no.

A noxio fulgure & tempestate, Libera
nos Domine.

A grandinum læsionibus. Libera.

A coruscatione & grandine. Libera.

Peccatores. Te rogamus audi nos.

Vt nobis parcas,

Vt misericordiam tuam nobis
hîc & vbique ostendere digne-
ris,

Vt iram & indignationem tuam
à nobis & à cunctis Christia-
nis auertere digneris,

Vt fructus terræ dare & conser-
uare digneris,

Vt fulgura & tempestates, toni-
trua, grandines, & aquarum
inundationes per tuam mise-
ricordiam propitius repellere
digneris,

Vt nos miseros audire & exaudi-
re digneris,


Agnus Dei qui tollis peccata mundi,
Parce nobis Domine.


Agnus


Te rogamus audi nos.

Agnus Dei qui tollis peccata mundi,
Exaudi nos Domine.

Agnus Dei qui tollis peccata mundi,
Miserere nobis.

Cruz  Christi, sit nobis in refu-
gium.

Cruz  Christi, sit nobis salus &
protectio.

Cruz  Christi, quam semper a-
doramus, tu dignare nobiscum esse
semper, & nos custodire, regere, gu-
bernare, & defendere contra noxias
tempestates & contra insidias ac infe-
stationes dæmonum & omnium ini-
micorum digneris. Te rogamus au-
di nos.

Hely, Hely, Domine mi, imploro
te, vt regnes in me, diligam te, instrue
me Iesu magne Dei agne, tu dignare
te laudare, tu dignare nos saluare o
Rex gloriæ. Veni cum pace. Amen.

Qui cælorum continet thronos,
Domine Rex regum, montes ponde-
ras,

ras, terram palmo concludis, Exaudi
nos Deus in gemitibus nostris.

Kyrie eleison. Christe eleison. Ky-
rie eleison. Pater noster. Ave Maria.
Credo.

✠. Et veniat super nos misericordia
tua.

Rz. Quemadmodum sperauimus in
te.

✠. Esto nobis Domine turris fortitu-
dinis.

Rz. A facie inimici.

✠. Nihil proficiat inimicus in nobis.

Rz. Et filius iniquitatis non apponat
nocere nobis.

✠. Domine non secundum peccata
nostra facias nobis.

Rz. Neque secundum iniquitates no-
stras retribuas nobis.

✠. Domine ne memineris iniquita-
tum nostrarum antiquarum.

Rz. Citò anticipent nos misericordiæ
tuæ, quia pauperes facti sumus ni-
mis.

✠. Ad-

℣. Aduua DEVS nos salutaris
noster.

℞. Et propter gloriam nominis
tui libera nos & propitius esto peccatis
nostris.

℣. Saluum fac populum tuum
Domine, & benedic hæreditati tuæ.

℞. Et rege eos, & extolle illos vs-
que in æternum.

℣. Ostende nobis Domine mise-
ricordiam tuam.

℞. Et salutare tuum da nobis.

℣. Fiat misericordia tua Domine
super nos.

℞. Quemadmodum sperauimus
in te.

℣. Illuxerunt coruscationes tuæ
orbi terræ.

℞. Vidit & commota est terra.

℣. Domine Deus virtutum con-
uerte nos.

℞. Et ostende faciem tuam & sal-
ui erimus.

℣. Mit-

℣. Mitte nobis Domine auxilium
de sancto.

℞. Et de Syon tuere eos.

℣. Custodi nos Domine vt pupil-
lam oculi.

℞. Sub vmbra alarũ tuarum pro-
tege nos.

℣. Miserere nostri Domine.

℞. Miserere nostri.

℣. Non nobis Domine non no-
bis.

℞. Sed nomini tuo da gloriam.

℣. Dñe exaudi orationem meam.

℞. Et clamor meus ad te veniat.

℣. Dominus vobiscum.

℞. Et cum spiritu tuo.

ORATIO.

Domine Deus Pater Domini no-
stri Iesu Christi, qui super om-
nia regnas, qui Filium tuum Domi-
num nostrum Iesum Christum in
hunc mundum pro salute nostrâ mit-
tere dignatus es. Effunde benedictio-
nem

nem de coelis super nos indignos famulos, & super loca nostra contra fulgura & grandines & aëreas potestates, ut eas tua misericordia demergat, & ventorum flamen in profundum desertum: ut hominibus nihil noceant, sed absque vastitate tranquillius nobis aër reddatur, quatenus de plenitudine miserationis tuæ gaudere: & tibi omnipotenti Deo indefessas gratias semper agere valeamus. Per eundem Dominum &c. R. Amen.

✠. Dominus vobiscum.

R. Et cum spiritu tuo.

✠. Initium sancti Evangelij secundum Matthæum.

R. Gloria tibi Domine.

Liber generationis Iesu Christi filij David, filij Abraham. Abraham genuit Isaac, Isaac autem genuit Iacob, Iacob autem genuit Iudam & fratres eius, Iudas autem genuit Phares & Zaram de Thamar, Phares au-

tem

tem genuit Efron, Efron autem genuit Aram, Aram autem genuit Aminadab, Aminadab autem genuit Naason, Naason autem genuit Salmon, Salmon autem genuit Boos de Raab, Boos autem genuit Obeth ex Ruth, Obeth autem genuit Iesse, Iesse autem genuit Daud regem, Daud autem rex genuit Salomonem ex eâ quæ fuit Vriæ, Salomon autem genuit Roboam, Roboam autem genuit Abiam, Abias autem genuit Afa, Afa autem genuit Iosaphat, Iosaphat autem genuit Ioram, Ioram autem genuit Oziam, Ozias autem genuit Ioathan, Ioathan autem genuit Achaz, Achaz autem genuit Ezechiam, Ezechias autem genuit Manassen; Manasses autem genuit Amon, Amon autem genuit Iosiam, Iosias autem genuit Iechoniam & fratres eius in transmigratione Babylonis. Et post transmigrationem

grationem Babylonis Iechonias genuit Salathiel, Salathiel autem genuit Zorobabel, Zorobabel autem genuit Abiud, Abiud autem genuit Eliacim, Eliacim autem genuit Azor, Azor autem genuit Sadoch, Sadoch autem genuit Achim, Achim autem genuit Eliud, Eliud autem genuit Eleazar, Eleazar autem genuit Mathan, Mathan autem genuit Iacob, Iacob autem genuit Ioseph virum Mariæ, de qua natus est Iesus, qui vocatur Christus. *R.* Deo gratias.

Et dicatur.

Per istos sermones sancti Euangelij, & per intercessionem gloriosissimæ Dei genitricis virginis Mariæ, ac per suffragia omnium Sanctorum, Dominus noster Iesus Christus dignetur nos custodire à subitaneâ & improviseâ morte, à fulgure & tempestate, atque ab omnibus malis & periculis. Qui cum Deo Patre & Spiritu sancto, &c.

Ky-

Kyrie eleison. Christe eleison. Kyrie
eleison. Pater noster.

℣. Et ne nos inducas intentatio-
nem.

℞. Sed libera nos à malo.

A fulgure & tempestate,
Libera nos Domine.

A coruscationibus,
Libera nos Domine.

A grandine & omnibus lationibus,
Libra nos Domine.

Ab omni malo,
Libera nos Domine.

℣. Fiat misericordia tua Domine
super nos.

℞. Quemadmodum sperauimus
in te.

℣. Esto nobis Domine turris for-
titudinis.

℞. A facie inimici.

℣. Dñe exaudi orationem meam.

℞. Et clamor meus ad te veniat.

℣. Dominus vobiscum.

ORA.

ORATIO.

A Domo tua quæsumus Domine spiritales nequitia repellantur, & aërearum discedat malignitas tempestatum. Te deprecamur Domine, vt diabolum & omnes angelos eius ab istâ Parochiâ & omnibus habitationibus nostris tuâ potentissimâ maiestate repellas, & nos benignissimâ misericordiâ tuâ ab imminenti- bus & futuris periculis defendas. Per Dominum nostrum Iesum Christum Filium tuum, qui tecum viuit & regnat in vnitate Spiritûs sancti Deus, per omnia sæcula sæculorû. R. Amen.

ORATIO.

R Espice quæsumus Domine super nos, & super vniuersum populum tuum, & exaudi preces nostras, conserua iustos, & parce peccatoribus, iustifica poenitentes, sana languidos, visita infirmos, subueni egenis, corrige errantes, eripe oppressos, consolare affli-

afflictos, vt omnes in suis necessitati-
bus Maieſtatem tuam obſecrantes,
miſericordiam conſequantur.

ORATIO.

QVæſumus omnipotens DEVS,
vt interceſſio ſanctæ Dei geni-
tricis Mariæ, & ſanctorum Apoſtolo-
rum N. N. ac Martyrum N. N. &
Confessorum N. N. atque Virginum
N. N. omniumque Sanctorum tuo-
rum, continuum præſtent nobis auxi-
lium, vt nobis tranquillum aërem
tribuas, atque contra fulgura & tem-
peſtates cœleſte munimen exhibeas.
Deſuper nobis indignis tuam ſalu-
tem effundas de cœlis, & dexterâ tuæ
potentiæ aëreas conteras poteſtates.
Per Chriſtum Dominum noſtrum.

Rz. Amen.

COLLECTA DE SANCTA Trinitate.

OMnipotens ſempiternæ Deus,
qui dedisti famulis tuis in con-
feſſio-

fessione veræ fidei æternæ Trinitatis
gloriam agnoscere , & in potentiâ
maiestatis adorare vnitatem , quæ-
sumus, vt eiusdem fidei firmitate ab
omnibus semper muniamur aduer-
sis. Per Dominum nostrum Iesum
Christum, &c. R. Amen.

ACCIPE AQUAM BENEDI.

Etam, & asperge & dic.

ET benedictio Dei Pa-
tris, & Fi-
lij, & Spi-
ritus sancti, de-
scendat super nos & super fines , vi-
neas, agros, & fructus nostros, Amen.

Euangelium 2.

✠. Dominus vobiscum.

R. Et cum spiritu tuo.

✠. Initium sancti Euangelij secun-
dum Marcum.

INitium Euangelij Iesu Christi Filij
Dei, sicut scriptum est in Isaia Pro-
pheta. Ecce ego mitto Angelum meum
ante faciem tuam. Qui præparabit
viam tuam ante te, vox clamantis in

deser-

deserto, parate viam Domini, rectas
 facite semitas eius. Fuit in deserto Io-
 annes baptizans & prædicans baptis-
 mum poenitentiae in remissionem
 peccatorum. Et egrediebatur ad eum
 omnis Iudææ regio. & Hierosolymitæ
 uniuersi, & baptizabantur ab illo in
 Iordanis flumine confitentes peccata
 sua: Et erat Ioannes vestitus pilis ca-
 melorum & zona pellicea circa lum-
 bos eius, & locustas & mel siluestre e-
 debat & prædicabat dicens; Veniet
 fortior me post me, cuius non sum di-
 gnus procumbens soluere corrigiam
 calceamentorum eius. Ego baptizaui
 vos in aquâ, ille verò baptizabit vos
 spiritu sancto. Deo gratias.

*Reliqua omnia vt supra post 1. Evan-
 gelium.*

ORATIO.

OMnipotens sempiterne Deus,
 mæstorum consolatio, labo-

B

ran-

rantium fortitudo perueniant ad te
preces de quacunque tribulatione cla-
mantium, vt omnes sibi in necessita-
tibus suis misericordiā tuā gaudeant
affuisse. Per Dominum nostrum.

DEus qui naturam omnium rerū
tibi seruientium per ipsius aëris
motus ad cultum tuæ Maiestatis in-
stituisti, tranquillitatem aëris nobis
tribue, remotisque terroribus vniuer-
sis misericordiæ tuæ largire clemen-
tiam, vt cuius iram expauemus, eius
misericordiam sentiamus. Per Dñm.

*Et addatur Collect. de S. Trinitate,
& benedictio Dei Patris, &c. fol. 27.*

Sequitur Euangelium 3.

✠. Dominus vobiscum.

Initium sancti Euangelij secun-
dum Lucam.

Rz. Gloria tibi Domine.

FVit in diebus Herodis regis Iudee
sacerdos quidam nomine Zacha-
rias,

rias, de vice Abia, & vxor illius de filiabus Aaron, & nomen eius Elizabeth, erant autem iusti ambo ante Deum incedentes in omnibus mandatis & iustificationibus Domini sine querela, & non erat illis filius, eò quod esset Elizabeth sterilis, & ambo processissent in diebus suis. Factum est autem, cum sacerdotio fungeretur Zacharias, in ordine vicis suæ ante Deum secundum consuetudinem sacerdotij, forte exijt, vt incensum poneret ingressus in Templum Domini. Et erat omnis multitudo populi orans foris horam incensum. Apparuit autem illi Angelus Domini stans à dextris Altaris incensum, & Zacharias turbatus est videns, & timor irruit super eum. Ait autem ad illum Angelus: Ne timeas Zacharia, quoniam exaudita est deprecatio tua. Et vxor tua Elizabeth pariet tibi filium, & vocabis nomen eius,

eius Ioannem , & erit tibi gaudium
 & exultatio , & multi in natiuitate e-
 ius gaudebunt. Erit enim magnus
 coram Domino , vinum & siceram
 non bibet , & Spiritu sancto replebi-
 tur adhuc ex vtero matris suæ , & mul-
 tos filiorum Israel conuertet ad Do-
 minum Deum ipsorum , & ipse præ-
 cedet ante illum in spiritu & virtute
 Helix , vt conuertat corda patrum in
 filios & incredulos ad prudentiam
 iustorum parare Domino plebem
 perfectam.

R. Deo gratias. Per istos sermones

V. Dominus vobiscum.

R. Et cum spiritu tuo.

ORATIO.

A Domo tua & à nobis famuli-
 tuis & ab omnibus nobis com-
 missis , à plebe & parochia ista , à fru-
 ctibus & ab animalibus nostris , &
 cuncto populo Christiano, quæsumus
 Do.

Domine omnes spirituales nequitiae repellantur, & aërearum discedat malignitas tempestatum. Et fructus terræ nobis dare & conseruare digneris, & aëris serenitatem nobis tribue supplicantibus, vt qui iustè pro peccatis nostris affligimur, misericordiâ tuâ præueniente clementiam sentiamus. Per Dominum nostrum, &c.

De SS. Trinitate.

OMnipotens sempiterne Deus, qui dedisti famulis tuis in confessione veræ fidei æternæ Trinitatis gloriam agnoscere, & in potentiâ maiestatis adorare vnitatem; quæsumus, vt eiusdem fidei firmitate ab omnibus semper muniamur aduersis. Per Dominum.

ET benedictio Dei Pa-
tris, & Fi-
lij, & Spi-
ritûs sancti, descen-
dat super nos & super fines, vineas,
agros, & fructus nostros, Amen.

B;

Euan-

Euangelium 4.

℣. Dominus vobiscum.

℞. Et cum spiritu tuo.

Initium sancti Euangelij secundum Ioannem.

℞. Gloria tibi Domine.

IN principio erat Verbum, & Verbum erat apud Deum, & Deus erat Verbum. Hoc erat in principio apud Deum. Omnia per ipsum facta sunt, & sine ipso factum est nihil, quod factum est, in ipso vita erat, & vita erat lux hominū, & lux in tenebris lucet, & tenebræ eam non comprehenderunt. Fuit homo missus à Deo, cui nomen erat Ioannes, hic venit in testimonium, ut testimonium perhiberet de lumine, ut omnes crederent per illum, non erat ille lux, sed ut testimonium perhiberet de lumine. Erat lux vera, quæ illuminat omnem hominem venientem in hunc mundum.

In

In mundo erat, & mundus per ipsum factus est, & mundus eum non cognouit. In propria venit, & sui eum non receperunt. Quotquot autem receperunt eum, dedit eis potestatem filios Dei fieri, his qui credunt in nomine eius. Qui non ex sanguinibus, neque ex voluntate carnis: neque ex voluntate viri, sed ex Deo nati sunt. ET VERBUM CARO FACTUM EST, & habitauit in nobis. Et vidimus gloriam eius, gloriam quasi Unigeniti à Patre, plenum gratiæ & veritatis.

R. Deo gratias.

Per istos sermones, & sacros sermones sancti Euangelij, & per illud verbum: *Et Verbum* ✠ *caro factum est,* indulgeat nobis Dominus noster IESVS Christus vniuersa delicta nostra, & liberet nos omnes Christi fideles, omnes possessiones, & habitationes nostras, & fructus terræ nostræ

ab omni tonitruo & grandine , à fulgure & tempestate , à peccatis & malo. Amen, Amen, Amen.

IESVS NAZARENVS ✝ REX IVDÆORVM , libera nos omnes Christi fideles, & possessiones & habitationes nostras , & fructus terræ nostræ ab omni tonitru & grandine , à fulgure & tempestate , à peccatis & malo. Amen.

℟. Dominus vobiscum.

℞. Et cum spiritu tuo.

ORATIO.

Visita quæsumus Domine habitationem istam , & omnes infidias inimici ab eâ longè repelle , Angeli tui sancti habitent in eâ , qui nos in pace custodiant, & benedictio † tua sit super nos semper. Per te ô Iesu Christe Saluator mundi , Amen.

OMnipotens sempiterne DEVS, Te supplices deprecamur, vt nos
per

per te cælestem Patrem illustrari, ac
 & muniri concedas, sintque oculi tui a-
 perti super nos & super vniuersum po-
 pulum tuum. Et exaudi propitius pre-
 ces nostras, & dirige sanctum Angelū
 tuum de cælis, qui nos, possessionesque
 nostras foueat, protegat, & ab aëris
 tempestate defendat. Per Christum.

Collecta de 14. Auxiliatoribus.

OMnipotens & misericors Deus,
 qui electos & sanctos tuos Geor-
 gium, Blasium, Erasum, Panthaleo-
 nem, Christophorum, Dionysium,
 Cyriacum, Achatium, Eustachium,
 Ægidium, Catharinam, Margaritā,
 An- Barbaram specialibus priuilegijs de-
 corasti: Concede propitius, vt omnes,
 qui in necessitatibus suis eorū implo-
 rant auxilium, secundū tuæ promif-
 sionis gratiam petitionis suæ salutarē
 consequantur effectum. Per Dñm.

Collecta de SS. Trinitate, fol. 27.

B 5

SEQL.

SEQUITUR ALIA BENEDI-

*ctio contra tempestates. Et notandum,
cū videtur aura immoderatè leuari,
proiciat Sacerdos contra illam aquam
benedictam ac dicat septem hos Psal-
mos sequentes.*

BEatus vir, qui non abiit in consilio
impiorum, & in viâ peccatorum
non stetit: & in cathedrâ pestilentia
non sedit.

Sed in lege Domini volūtas eius: &
in lege eius meditabitur die ac nocte.

Et erit tanquam lignū, quod plan-
tatum est secus decursus aquarum,
quod fructum suum dabit in tempor-
e suo.

Et folium eius non defluet: & om-
nia quæcunq; faciet, prosperabuntur.

Non sic impij non sic: sed tanquam
pulis, quem projcit ventus à facie
terræ.

Ideo non resurgent impij in iudi-
cio,

DI. cio, neque peccatores in consilio iu-
storum, & iter impiorum peribit.

Gloria Patri, & Filio.

Domine quis habitabit in taber-
naculo tuo? aut quis requiescet
in monte sancto tuo?

Qui ingreditur sine macula: & ope-
ratur iustitiam.

Qui loquitur veritatem in corde
suo: qui non egit dolum in lingua
sua.

Nec fecit proximo suo malum: &
opprobrium non accepit aduersus
proximos suos.

Ad nihilum deductus est in con-
spectu eius malignus: timentes autem
Dominum glorificat.

Qui iurat proximo suo & non de-
cipit: qui pecuniam suam non dedit
ad usuram, & munera super innocen-
tem non accepit.

Qui facit hæc, non mouebitur in

B 6

ater-

æternum. Gloria Patri, & Filio.

Psalmus.

DEus in nomine tuo saluum me fac: & in virtute tua libera me.

Deus exaudi orationem meam: auribus percipe verba oris mei.

Quoniam alieni insurrexerunt aduersum me, & fortes quæsierunt animam meam: & non proposuerunt Deum ante conspectum suum.

Ecce enim Deus adiuuat me, & Dominus est susceptor animæ meæ.

Auerte mala inimicis meis, & in veritate tua disperde illos.

Voluntariè sacrificabo tibi, & confitebor nomini tuo Domine: quoniam bonum est.

Quoniam ex omni tribulatione eripuisti me: & super inimicos meos despexit oculus meus.

Gloria Patri.

Psalmus.

DEVS

DEVS in adiutorium meum in-
tende, Domine ad adiuuandum
me festina.

Confundantur & reuerantur, qui
quærant animam meam.

Conuertantur retrorsum & erube-
scant qui volunt mihi mala.

Conuertantur statim erubescences,
qui dicunt mihi euge, euge.

Exultent & lætentur in te omnes,
qui quærant te: & dicant semper, ma-
gnificetur Dominus qui diligunt sa-
lutare tuum.

Ego verò egenus & pauper sum,
Deus adiuua me.

Adiutor meus & liberator meus es
tu: Domine ne morêris-

Gloria Patri, &c. *Psalmus.*

FVndamenta eius in mōtibus san-
ctis: diligit Dominus portas Syon
super omnia tabernacula Iacob.

Gloriosa dicta sunt de te, ciuitas
Dei, Me-

Memor ero Rahab & Babylonis ,
scientium me.

Ecce alienigenæ & Tyrus & popu-
lus Æthiopum , hi fuerunt illic.

Nunquid Syon dicet homo , &
homo natus est in ea , & ipse fundauit
eam altissimus.

Dominus narrabit in scripturis
populorum , & principum ; horum
qui fuerunt in ea.

Sicut lætantium omnium, habita-
tio est in te.

Gloria Patri.&c.

Dominus regnauit, decorem in-
dutus est, indutus est Dominus
fortitudinem & præcinxit se.

Etenim firmauit orbem terræ, qui
non commouebitur.

Parata sedes tua ex tunc , à sæculo
tu es.

Eleuauerunt flumina Domine, ele-
uauerunt flumina vocem suam.

Ele-

Eleuauerunt flumina fluctus suos,
à vocibus aquarum multarum.

Mirabiles elationes maris, mirabilis in altis Dominus.

Testimonia tua credibilia facta sunt nimis, domum tuam decet sanctitudo Dñe in longitudinem dierũ.

Gloria Patri, &c.

BEati omnes qui timent Dominum, qui ambulant in vijs eius.

Labores manuum tuarum, quia manducabis, beatus es, & bene tibi erit.

Vxor tua sicut vitis abundans, in lateribus domũs tuæ.

Filij tui sicut nouellæ oliuarum, in circuitu mensæ tuæ.

Ecce sic benedicetur homo, qui timet Dominum.

Benedicat tibi Dominus ex Syon, & videas bona Hierusalem omnibus diebus vitæ tuæ.

Et

Et videas filios filiorum tuorum ,
pacem super Israel.

Gloria Patri.

℣. Adiutorium nostrum in no-
mine Domini.

℞. Qui fecit cælum & terram.

℣. Ostende nobis Domine mise-
ricordiam tuam.

℞. Et salutare tuum da nobis.

℣. Nihil proficiat inimicus in no-
bis.

℞. Et filius iniquitatis non appo-
nat nocere nobis.

℣. Saluum fac populum tuum
Domine, & benedic hæreditati tuæ.

℞. Et rege eos & extolle illos vs-
que in æternum.

℣. Vox Domini super iustos.

℞. Et aures eius in preces eorum.

℣. Deus meus eripe me de manu
peccatoris.

℞. Et de manu contra legem a-
gentis, & iniqui.

℣. Non

✠. Non priuabit bonis eos , qui
ambulant in innocentia.

Rz. Domine virtutum beatus ho-
mo qui sperant in te.

✠. Domine exaudi orationem
meam.

Rz. Et clamor meus ad te veniat.

✠. Dominus vobiscum.

Rz. Et cum spiritu tuo.

ORATIO.

R Ex æterni imperij omnipotens
Deus, qui das eicam omni carni,
qui operis cælum nubibus , & paras
terræ pluuiam , & ianuas cæli aperis,
qui transfers austrum de cælo , & in-
ducis virtute tuâ affricum , qui rigas
montes de superioribus suis, & de fru-
ctu operum tuorum satiabitur terra ,
qui Angelo præcepisti, vt terræ mari ,
arboribus ne noceret , parce metuen-
tibus , propitiare supplicantibus , te
etenim Domine supplices exoramus ,

vt

vt procul recedat incurſio turbinum,
 calamitas tempeſtatum, fragor gran-
 dinum, percuſſio fulminum, & quæ-
 libet inſidiæ inimici temperentur. In-
 feſta tonitrua, noxiæ pluuiæ, vento-
 rum flamina moderatè flent; ſpiri-
 tus quoque procellarum aëreæ tem-
 peſtates dexteræ tuæ virtute proſter-
 nantur. Descendat quæſumus Do-
 mine deſuper Spiritus ſanctus, vt fu-
 gatis omnibus contrariis, præteritis
 virtutibus, fruges manus ſeruet An-
 gelica, & poſt ſopitos imbrium im-
 petus, in laudibus ſpiritualibus, & de-
 uotionis augmentum tranſeat com-
 minatio prauitatis. Qui viuus & re-
 gnas Deus per omnia ſæcula ſæculo-
 rum. Amen.

Domine Ieſu Chriſte, qui cælum
 & terram creasti & operari vo-
 luisti, & flumen Iordanis benedixisti,
 bene ✠ dicere & ſancti ✠ ficare di-
 gne.

generis has nubes, quas video, ut deficiant & transeant in aquam benedictam, ut ibi allegata potestas dæmonum sæuientium deficiat. Cadátque tempestas in locis desertis, ubi non noceat aliquibus Christianis, nec aliquibus animalibus, per virtutem Spiritus sancti, & merita beatissimæ virginis Mariæ, sancti Simeonis, ac sanctæ Barbaræ, sanctæ Catharinæ & Brigittæ virginum, & omnium Sanctorum & Sanctarum DEI orationes. Circumdet te Deus Pater. Circumdet te Filius. Circumdet te Spiritus sanctus. Diuidat te Pater. Diuidat te Filius. Diuidat te Spiritus sanctus, qui viuis & regnat Deus sempiternus, Amen.

Hanc coniurationem dic ter :

Coniuro vos ô maligni spiritus per Creatorem cæli & terræ, & per Incarnationem, Natiuitatē, Circum-

cumcisionem , apparitionem , baptismum , ieiunium , passionem , crucē , mortem , resurrectionem , ascensionem Domini nostri IESV Christi , & gratiam Spiritūs sancti Paracleti , & per tremendum iudicium Dei , & per gloriosam Virginem Mariam Matrem Dei , & per sanctos Angelos & Archangelos , Virtutes & Potestates , Prophetas , Apostolos , & Euangelistas Dei , vt non deponatis iram vestram super locum istum , nec in finibus istis , sed in mari vel in aquis aut locis siluestribus procul à gentibus , vt in die iudicij non habeatis licentiam dicere , Nemo nobis contradixit : Ego vero vobis contradico , In Nomine Patris & Filij & Spiritūs sancti , Amen.

Alia Coniuratio contra tempestates.

A Diuro vos grandines & ventos ,
per

per sancta quinque; vulnera Christi, & sanguinem ipsius pretiosum, per clauos quinque, qui manus eius & pedes perforauerunt: & per quatuor Euangelistas sanctos, Matthaeum, Marcum, Lucam, Ioannem, ut in aquam resoluti descendatis. In nomine Patris, & Filij, & Spiritus sancti, Amen.

Deinde dic quinque, Pater noster, & c. & subiunge Euangelium S. Ioannis, in cuius fine ter replicetur illud. Et verbum Caro factum est, & per Euangelica dicta, fugiat tempestas ista, Amen

Dic ter,

Tetragrammation **✠** Iesus **✠** Nazarenus **✠**, Rex **✠** Iudæorum. *Et* **✠** Iesus per medium illorum ibat, **✠** Qualis Pater, **✠** talis Filius, **✠** talis Spiritus S. Increatus Pa**✠**ter, increatus Fi**✠**lius, increatus Spiritus **✠** S. Immensus Pa**✠**ter, immensus

sus Fi ✠ lius, immensus Spiritus ✠
 sanctus. Æternus Pa ✠ ter, æternus
 Fi ✠ lius, æternus Spiritus ✠ sanctus.

*Alie coniurationes contra tem-
 pestates.*

COniuro vos omnes maligni spi-
 ritus, qui cum tonitruis, turbine
 & tempestate & grandine, per ista in-
 ceditis : Per Creatorem cæli & terræ,
 ✠ & per passionem Filij sui Domini
 nostri Iesu Christi, ✠ mortem ama-
 rissimam, ✠ & per signum sanctæ
 Crucis, ✠ & in virtute Spiritûs san-
 cti, ✠ per gloriosam Matrem DEI
 Domini nostri IESV Christi Virgi-
 nem Mariam, per Cherubim & Se-
 raphim, per Archangelos & omnes
 Angelos Dei.

Coniuro vos per quatuor Euange-
 listas Ioannem, Matthæum, Lucam,
 Marcum, & duodecim Apostolos. Per
 Dei nostri Martyres, Confessores,
 Vir-

Virgines , Viduas & fideles Coniuges.

Coniuro vos per viginti quatuor seniores , & per nomina millia Martyrum , & per omnes sanctos & sanctas Dei, ne deponatis iram vestram neque ostendatis super locum istum, siue in agris aut campis nostris , siue lacubus aut fluminibus nostris , sed potius in montes steriles & loca inaccessa : ne habeatis excusationes in die nouissimo, scilicet, quod nemo vobis contradixerit. Igitur ego N. contradico vobis, in nomine Pa^{tr}is, & Fi^{li}i, & Spiritus^s sancti , Amen. A fulgure & tempestate , Libera nos Domine Iesu Christe , Amen.

Oratio. A domo tua &c. f. 26.

Contra tempestates & maleficiorum incursus.

Signum sanctæ Cru^{ci}s Christi
Sal.




Saluatoris nostri, tolle imbres nocivos, tolle grandines & da aquam lucidissimam, tanquam eam, in qua Christus baptizatus fuit, in sacro Iordanis flumine. Et memento nostri Domine, sicut iurasti patribus nostris Abraham, Isaac & Iacob, ut non permittas iram tuam super agros & fines nostros. Adiuro vos Angelos tartareos, quos DEVS deiecit de sede Maiestatis suae, qui fertis grandines & tempestates. Adiuro vos per Patrem omnipotentem Dñm nostrum & regnum eius. Adiuro vos per quatuor Euangelia, & per tremendum iudicium Dei, & obedientiam Dei, ut inter postes, fines, vineas & agros lapides non iaciatis, sed per deserta & arida loca, ubi non aratur nec feritur, nec vllum nomen Dei vocatur. Ne ipsi ad iudicium Dei ante tribunal Christi venientes dicatis, nullus nobis

nobis contradixit. Contradicat vobis
 Pater Domini nostri Iesu Christi, qui
 est omnipotens, Agyos, Agyos, Agy-
 os. Sanctus, Sanctus, Sanctus. Allelu-
 ia, Alleluia, Alleluia. Christus, Chri-
 stus, Christus. *Pater noster. Ave Ma-
 ria, &c.*

✠. Ostende nobis Domine miseri-
 cordiam tuam.

R. Et salutare tuum da nobis.

Qui regis Israel, intende & defende
 subditorum fines, vineas, & agros.

Sancte Quirine, Sancte Clemens,
 & omnes sancti Martyres, quibus ho-
 nor datur in gloria Saluatoris defen-
 dite fines, agros & fructus nostros, vt
 de infestationibus inimicorum libe-
 rati, ad maturitatem in Ecclesia san-
 cta perueniant, horreisque nostris in-
 clusi, vt peregrini & pauperes inde re-
 ficiantur: Vobiscum benedicamus
 Pa  trem, & Fi  lium, & Spiritum
 C  san-

✠ sanctum, qui in Trinitate & unitate est benedictus Deus in donis suis, per omnia sæcula sæculorum. Amen.

✠. Dominus vobiscum.

R. Et cum spiritu tuo.

Initium sancti Euangelij secundum Ioannem, &c.

In principio erat, &c. *ut fol. 28.*

Deo gratias. Per istos sermones sancti Euangelij, & per Dei magnam misericordiam, & per intercessionem sanctissimæ Genitricis Dei Mariæ, & per suffragia sancti Andreæ Apostoli, & omnium Sanctorum indulgeat nobis Dominus noster Iesus Christus universa delicta, crimina, peccata nostra & bene † dicere, protegere, & custodire dignetur nos in omnibus possessionibus nostris, & ab omni vi tempestatis, & grandinis latione, & ab omni infestatione diabolicæ fraudis, nec à cunctis periculis animarum & corporum, Amen.

ORE-

OREMVS.

TE Domine supplices deprecamur, vt diabolus & omnes angelos eius ab ista Parochia & ab omnibus nostris habitationibus tua potentissima Maiestate repellas, & nos benignissima misericordia ab imminētibus periculis defendas. Per Christum Dominum nostrum, Amen.

OREMVS

DIrigere dignare Domine Deus Pater omnipotens, sanctum Angelum tuum de cælis, qui possessiones nostras foueat, protegat, & contra aëreas tempestates defendas. Per Christum Dominum nostrum. Amen.

Iesus Nazarenus Rex Iudcorum. Titulus triumphalis defendat nos ab omnibus malis. Amen. Christus vincit in pace, & habitabit in nobis. Christus † vincit, Christus † regnat, Christus † imperat, Christus ab omni

fulgure & tempestate protegat, In nomine Pa-
tris, & Fi-
lii, & Spiritus
sancti, Amen.

Passio Domini nostri Iesu Christi,
pura virginitas gloriosæ genitri-
cis Dei Mariæ, & intercessio Sancto-
rum omnium sit inter nos & imbrem
istum. In nomine Pa-
tris, & Fi-
lii, & Spiritus
sancti, Amen. Be-
nedictio Dei Patris, & Filii, & Spiri-
tus sancti defendat nos & fructus terræ,
& maneat semper, Amen.

R. Adiutorium nostrum in no-
mine Domini.

R. Qui fecit cælum & terram
O R E M V S.

Deus, sub cuius imperio, totum
verbo regitur, totum oratione
mutatur: parce metuentibus, propi-
tiare supplicibus, vt post noxios ignes
nubium, & turbines procellarum, in
materiam laudistranseat commina-
tio

51
tio potestatis. Per Dominum non
strum &c.

O R E M V S.

Domine Deus omnipotens Pater
Domini nostri Iesu Christi, qui
super omnia regnas: qui filium tuum
Dominum nostrum Iesum Christum
in hunc mundum pro salute nostra
mittere dignatus es: effunde benedi-
ctionem tuam de cælis super locum
istum: contra fulgura, grandines, æ-
reasque potestates, vt eas tua miseri-
cordia demergat ventorum flamine
in profundum desertum: vt homini-
bus nihil noceant, sed absque vlla va-
stitate tranquillus aër nobis perma-
neat: quatenus de plenitudine misê-
rationis tuæ gaudentes, nos tibi om-
nipotenti DEO, immensas gratias
semper agamus: Qui viuus & regnas
Deus, per infinita sæcula sæculorum.
R. Amen.

C;

ORE

O R E M V S.

Quæsumus , omnipotens Deus ,
 ut intercessione sanctæ Dei ge-
 nitricis Mariæ , & sanctorum Ange-
 lorum, Patriarcharum, Prophetarū ,
 Apostolorum, Martyrum, Confesso-
 rum, Virginum, & Viduarum, atque
 omnium Sanctorum tuorum, conti-
 nuum nobis præstes subsidium. Peti-
 mus humiliter clementiam tuam , ut
 nobis tranquillam auram permanere
 permittas , atque contra fulgura &
 tempestates , desuper nobis indignis
 tuam salutem effundas de cælis, gene-
 ri humano semper æmulas , dextera
 potentiæ tuæ, aëreas conteras potesta-
 tes. Per Dominum nostrum &c.

A Domo tua , quæsumus Domi-
 ne, spiritales nequitiae repellan-
 tur , & aërearum discedat malignitas
 tempestatum. Per Christum Domi-
 num nostrum. ✠. Amen.

O R E.

O R E M V S.

DEus, qui omnium rerum tibi ser-
 uientium naturam, per ipsos
 motus aëris, ad cultum tuæ maiestatis
 instituis: tranquillitatem nobis tuæ
 misericordiæ, remotis aëris terrori-
 bus, permanere permittas: vt cuius
 iram expauemus clementiam sentia-
 mus. Per Dominum nostrum Iesum
 Christum filium tuum &c.

℣. Sit nomen Dñi benedictum.

℞. Ex hoc, nunc, & vsq; in sæ-
 culum.

℣. Adiutorium nostrum in no-
 mine Domini.

℞. Qui fecit cælum & terram.

O R E M V S.

Benedictio Dei ✠ Patris, & Fi ✠-
 lij, & Spiritus ✠ sancti descendat
 super vos, & fructus terræ, & maneat
 semper. Amen.

ALIA

C 4

ALIA BENEDICTIO.


IN honorem sanctissimæ Trinitatis
 Pa⁺tris, & Fi⁺lij, & Spiritus⁺
 sancti. Christus⁺ Rex, venit in
 pace, & Deus⁺ homo factus est. In
 nomine Iesu omne genu flectatur cæ-
 lestium, terrestrium, & infernorum.
 Christus factus est obediens vsque ad
 mortem, mortem autem Crucis; ideo
 Dominus Iesus Christus in gloria
 est Dei Patris.

Adesto Deus vnus omnipotens Pa-
⁺ter, & Fi⁺lius, & Spiritus⁺ san-
 ctus. Benedic⁺ Domine creaturam
 istam aquæ per Christum Dominum
 nostrum, per quem hæc omnia Do-
 mine semper bona⁺ creas, sancti⁺
 ficas, viui⁺ ficas, bene⁺ dicis, &
 præstas nobis per⁺ ipsum, cum⁺
 ipso, & in⁺ ipso est tibi Deo Patri
 omnipotenti, in vnitate Spiritus san-
 cti

Et omnis honor & gloria per omnia
 sæcula sæculorum, Amen.

Vade ✠ retrò sathana, recognosce
 familiam tuam, da honorem Deo
 viuo, & vero, da honorem Iesu Chri-
 sto Filio eius, da honorem Spiritui S.,
 & recede à nobis famulis, & possessio-
 nibus nostris, quos Dominus & Deus
 noster ad suam sanctam gratiam, &
 benedictionem, fontemque baptis-
 matis, & sacerdotalem dignitatem
 vocare dignatus est, & hoc signum
 ✠ Crucis, quod ego tibi oppono ma-
 ledicte diabole, nunquam audeas
 violare, præstante Domino nostro
 Iesu Christo, qui cum Deo Patre, &
 Spiritu sancto viuit, & regnat Deus
 per omnia sæcula sæculorum,
 Amen.

Cruz ✠ Christi in adiutorium sit;
 Cruz ✠ Christi esse dignetur in adiu-
 torium nostrum; Cruz ✠ Christi
 C 5 Iesu

Iesu Domini nostri in auxilio semper sit salus noster ; Crux  Christi, quam semper adorauimus , tu dignare nobiscum esse contra inimicos nostros.

A noxia tempestate & fulgure ,
A grandinum læsionibus ,
Ab indignatione furoris tui ,
A flagella ultionis tuæ ,
Per sanctam Natiuitatem tuā ,
Per Crucem & Passionem tuā ,
Per pretiosum sanguinem tuū ,
Per quinque vulnera tua ,
Per mortem & sepulturam tuā ,
Per sanctam resurrectionem
tuam ,

Libera nos Domine.

Te ergo quæsumus , tuis famulis subueni, quos pretioso sanguine redemisti. Christus vincit, Christus regnat, Christus imperat, Christus à fulgure & tempestate nos defendat. Christus rex in pace venit. Deus homo factus est.

Ver-

Verbum caro factum est. Iesus, Ma-
ria, Ioseph. Iesus Nazarenus, Rex
Iudæorum, miserere nobis. Christus
nobiscum. Sanctus Deus, Sanctus
fortis, Sanctus immortalis, miserere
nobis.

*Ad singula verba sequentia fac Cru-
cem.*

Ecce Crucem Domini, fugite par-
tes aduersæ, vicit Leo de tribu Iuda, &
radix David, Alleluia, Alleluia, &
Verbum caro factum est, & habitauit
in nobis. Iesus Nazarenus, Rex Iu-
dæorum.

✠ Agyos Otheos ✠ Sanctus Deus.

✠ Agyos Ischyros ✠ sanctus for-
tis.

✠ Agyos Athanatos ✠ sanctus
immortalis.

In nomine Patris, & Filij, & Spiri-
tus sancti, Amen. Increatus Pater
increatus Filius, increatus Spiritus

sanctus. Christus Iesus vincit, Christus regnat, Christus imperat, Christus à fulgure, & tempestate nos defendat. Christus Iesus Filius Dei viui per suam misericordiam liberet nos ab omnibus immundis spiritibus, qui venit de cælis, & incarnatus est in vtero B. V. Mariæ causa salutis hominum, & eijciendum diabolum, & omnem malignum spiritum in profundum inferni, & abyssi. Titulus triumphalis ✠ Iesus ✠ Nazareus ✠ Rex ✠ Iudæorum ✠ defendat nos ab omnibus malis. Ecce crucem Domini fugite partes aduersæ, vicit Leo de Tribu Iuda, Radix Dauid.

Deus misereatur nostri, & benedicat nobis: illuminet vultum suū super nos, & misereatur nostri.

Vt cognoscamus in terra viam tuam: in omnibus Gentibus salutare tuum.

Con-

Confiteantur tibi populi Deus: cō-
fiteantur tibi populi omnes.

Lætentur & exultent Gentes: quo-
niam iudicas populos in æquitate, &
Gentes in terra dirigis.

Confiteantur tibi populi Deus: co-
fiteantur tibi populi omnes: terra de-
dit fructum suum.

Benedicat nos Deus, Deus noster
benedicat nos Deus: & metuant eum
omnes fines terræ.

Gloria Patri, &c.

Kyrie eleison. Christe eleison. Ky-
rie eleison. Pater noster. &c.

℣. Et ne nos inducas in tentatio-
nem,

℞. Sed libera nos à malo.

℣. Saluos fac seruos tuos.

℞. Deus meus sperantes in te.

℣. Esto nobis Domine turris for-
titudinis.

℞. A facie inimici.

℣. Do-

℣. Domine non secundum peccata nostra facias nobis.

℞. Neque secundum iniquitates nostras retribuas nobis.

℣. Nihil proficiat inimicus in nobis.

℞. Et filius iniquitatis non noceat nobis

℣. Domine à fulgure & tempestate libera nos.

℞. Propter nomen tuum.

℣. Domine exaudi orationem meam.

℞. Et clamor meus ad te veniat.

℣. Dominus vobiscum.

℞. Et cum spiritu tuo.

OR EM V S.

OMnipotens sempiterne DEVS,
parce metuentibus, propitiare
supplicantibus, & mitte sanctum An-
gelum tuum de cælis, qui nos, & pos-
sessiones nostras custodiat ✠, fo-
ueat ✠,

ueat ✠, protegat ✠, vſitet ✠ & defendat, vt poſt varios motus, & procellarum vim in materia tuæ laudis tranſeat comminatio tuæ poteſtatis.

HEli Domine imploro te, vt regas me; diligo te, inſtrue me, Ieſu magne, Ieſu agne, dignare me, laudare te, ô Rex gloriæ veni cum pace, & recordare teſtamenti tui, & dic angelo percutienti, ceſſet iam manus tua, vt non deſoletur terra, & ne perdas omnem animam viuam, qui-eſcat Domine ira tua à populo tuo.

SVb tuum præſidium confugimus Sancta Dei Genitrix, noſtras deprecationes ne deſpicias in neceſſitatibus noſtris, ſed à periculis cunctis libera nos ſemper Virgo glorioſa, Domina noſtra; Mediatrix noſtra, Ad-uocata noſtra, tuo Filio nos reconcilia; tuo Filio nos recommenda, tuo Filio nos repræſenta.

ORE.

O R E M V S.

DEfende quæsumus Domine Iesu
 Christe Fili DEI viui propitius
 precibus Beatæ Mariæ Virginis istam
 ab omni aduersitate familiam, & tibi
 toto corde prostratam ab omnibus
 tuere clementer insidijs. Et per eius-
 dem Virginis intercessionem à domo
 tua, quæsumus Domine, spirituales
 nequitia repellantur, & aërearum
 discedat malignitas tempestatum.
 Per Christum Dñm nostrum. Amen.

*Addi potest Psal. Qui habitat in
 adiutorio, &c. & Euang. S. Ioannis, In
 principio &c. fol. 28. & Symbolum S.
 Athanasij, &c.*

Circumdet te ô nubes Deus Pa-
 ter, circumdet te Deus Filius,
 circumdat te Deus Spiritus sanctus.
 Destruat te Deus Pater, destruat
 te Deus Filius, destruat te Deus
 Spiritus sanctus. Comprimat te
 Deus

Deus Pa- & ter, comprimat te Deus
 Fi- & lius, comprimat te Deus Spiri-
 tus & sanctus. Ego peccator, &
 Christi sacerdos licet indignus, au-
 thoritate & virtute eiusdem Domini
 nostri Iesu Christi summi imperato-
 ris, non mea innixus potentia & con-
 fesus, vobis præcipuo immundi spiri-
 tus, qui has nubes concitatis, vel ne-
 bulas, in virtute Domini nostri Iesu
 Christi, per Incarnationem &, per
 eiusdem Natiuitatem &, per Baptis-
 mum & Ieiunium ipsius, per eiusdem
 sacratissimā & Crucem; per Passio-
 nem, per sanctā Resurrectionem &,
 per admirabilem Ascensionem, per
 tremendum Aduentum eius ad iudi-
 cium, per merita intemeratæ Virgi-
 nis Mariæ, & SS. N. N. & per merita
 omnium Sanctorum, vt exeatis, qua-
 tenus nocere non possitis, quibuscun-
 que rebus humanis vsibus deputatis.

per

Per eundem Dominum nostrum Iesum Christum, qui venturus est iudicare viuos & mortuos, & sæculum per ignem. Ipse vobis imperat dæmones, qui suas nubes mouetis, de quo de nube lucida dictum est : Hic est Filius meus dilectus, in quo mihi complacui ; ipse vobis imperat, qui per virtutem ✠ propriam omnem mundum redemit ; ipse vobis imperat, qui sua sacratissima Cruce, & sui corporis sanctissima extensione aërem ✠ purgavit ; ipse vobis imperat, qui per mortem suam vos, patremque vestrum, mortemque deuicit, & ligauit, atque æternæ gehennæ mancipauit ignibus ✠ ; ipse vobis imperat, qui inferno spoliato à mortuis ✠ resurrexit, ipse vobis imperat, qui post 40. dies nube susceptus, sua virtute ascendit in ✠ cælum ; ipse vobis imperat, qui venturus est iudicare viuos & mor-

mortuos, & sæculum per ignem. Ad-
 iuro vos per ipsum ✠, vt in loco isto
 & parochia nostra; neque per aquam
 malignam, neque per glaciem, neque
 per tempestatem validam, neque per
 murmurationem incantantium no-
 cere valeatis neque lædere; Vade re-
 trò Sathana de loco Dei, & Ministro-
 rum eius, & à sanctuario eius. Signo
 vos nubes signo sanctæ ✠ Crucis,
 signo vos in nomine sanctissimæ ✠
 Trinitatis contra tempestatem, &
 maleficiorum incursum signo Do-
 mini nostri Iesu ✠ Christi Saluato-
 ris. Tolle imbres noxios, tolle gran-
 dines, & da aquam limpidissimam,
 tanquam Christus baptizatus est in
 sacro sancto Iordanis flumine, Me-
 mento nostri Domine, sicut iurasti
 Patribus nostris Abraham, Isaac, &
 Iacob & non permittas iram tuam
 super agros & fines nostros.

Adiu-



Adiuro vos ✠ angeli tartarei, quos
 Deus deiecit de sede Maieſtatis ſuæ,
 qui fertis grandinem & tempeſtatem.
 Adiuro vos per Pa ✠ trem omni-
 potentem, & per nomen æternum eius.
 Adiuro vos ✠ per tremendum iudi-
 cium, & terribilem diem iudicij, vt
 infra fines hos ſcriptos non iaciatis
 lapides, ſed ite per deſerta loca, & ari-
 da; vbi non aratur, nec ſeminatur,
 nec vllum nomen Dei viui inuoca-
 tur; nec quando in iudicio Dei ante
 Tribunal Chriſti veneritis, & dica-
 tis, nullus nobis contradixit, nec con-
 iurauit Contradicat vobis Pater Do-
 mini noſtri Ieſu Chriſti, qui eſt om-
 nipotens.

Adiuro vos ✠ angeli ſathanæ per
 Deum ✠ cæli & terræ, per ✠ Deum,
 qui primum hominem Adam plaſ-
 mauit, per ✠ eum, qui Noë in dilu-
 uio cuſtodiuit, Per ✠ ipſum vos ad-
 iuro,

iuro, qui Ananiam, Azariam, Misaellem in camino ignis saluauit, qui fidelem Heliam in curru in igneo usque ad cælum eleuauit; per ipsum ✝ vos adiuro, qui per Moysen seruum suum filios Israel per mare Rubrum duxit; per ipsum ✝ vos adiuro, qui per virtutem propriam & brachium extensum pretioso sanguine omnem mundum redemit, vt in isto loco, & in ista parochia neque per tempestatem, neque per aquâ malignam hominibus Dei nocere possitis. Adiuro vos ✝ per quatuor Euangelistas SS. Matthæum, Marcum, Lucam, & Ioannem, qui Christi Euangelium per quatuor mundi partes diuulgarunt, vt ipsi suis meritis hanc tempestatem à termino isto, & ab omnibus Christianorum finibus ab eodem Domino nostro Iesu Christo remoueri obtineant, & depelli, qui venturus est iudica-

dicare viuos & mortuos , & seculum
per ignem.

O R E M V S.

Domine Iesu Christe, in cuius di-
tione cuncta sunt posita , & cui
omnis potestas subiecta est , qui fecisti
cælum & terram , maria , & omnia,
quæ in eis sunt , quique flumina Ior-
danis benedixisti , atque in eo bapti-
zari voluisti , & tuas sanctissimas ma-
nus & brachia sanctissima in  Cru-
ce extendisti , quibus aërem sanctifi-
casti , obsecramus immensam pieta-
tis & bonitatis abundantiam , quate-
nus has nubes , quas ante me , & post
me , & super me , à dextris & sinistris
video aërem perturbare , dissoluere &
annihilare digneris , vt per signum
sanctæ  Crucis Saluatoris Domini
nostri IESV Christi hæc aura & tem-
pestas nobis aduersa à territorio isto
discedat, neminem lædant, fulmina
de-

deleat, imbremque salubrem emittat,
 fructus terræ germinare faciat, atque
 populus Christianus ex eo viuit ad
 laudem sanctissimi Nominis tui, &
 potentissimæ maiestatis Patris, & Fi-
 lij, & Spiritus sancti, gloriosæque
 Virginis Mariæ: & omnium Sancto-
 rum in perpetuum laudetur per te
 IESV Christe, qui viuis & regnas in
 sæcula sæculorum. Amen.

Pro grandine, & omnium malo-
 rum spirituum insidijs, ad gloriam,
 laudem & honorem Nominis tui, &
 vtilitatem populi tui sit benedictio

Dei Pa^{tr}is, & Fi^{li}j, &
 Spiritus^s sancti,
 Amen. Amen. Amen.

F I N I S.